

兵部則例



兵部則例

職方清吏司

公式二

八旗

一章奏文冊。康熙十一年題準。內外旗員有不  
繫密事。妄稱密奏。及借公行私。以私事具奏者。  
降二級調用。其一應本章。有不應密而密者。罰  
俸六月。○雍正五年議準。在京八旗。除行文傳  
集在京官員人等。不用封套外。凡咨行部院衙  
門。及外省。一應公文。均加封套。實封。事關重大





者釘封。至駐防將軍都統副都統等題奏本章。事關係要者。將副本揭帖用密封字樣封固。投遞通政使司。咨行各旗及各部院并與屬官來往公文。繫緊要之事。亦用密封。以上內外都統將軍副都統等收到緊要密封公文。均親拆收貯。如將應密之事不密。以致洩漏。重者降一級留任。輕者罰俸九月。○六年議準。八旗衙門封印前一日。於空紙及封套上。預行用印。登記數目。該都統等收貯。以備封印後遇有緊要之事。填用。仍登記用過數目。開印日。將未用者驗明。

銷燬。有借端作弊者。交部治罪。該都統等不行詳察。罰俸六月。○又議準。印文及出關票引有遺失者。官罰俸三月。兵鞭五十。均仍補給。○十一年議準。八旗各官具摺奏事。奉有

硃批諭旨者。在京即行恭繳。在外於下次奏事之便。封固恭繳。若任意遲延。及隱匿不繳者。革職。○十二年奏準。差往馬場副都統起程之前。將空紙封套。鈐用本旗都統印信。酌量足用數目。帶往。以備咨行之用。回日將用過數目開明。知照都統存案。未用者當面銷燬。倘有遺失者。將差

往副都統罰俸三月。○又議準八旗傳事印文傳畢即行取回銷燬。倘不察收致人藉以夜行者。承辦官罰俸兩月。若將預備傳事印文收貯不謹。被人竊去夜行者。承辦官罰俸六月。○乾隆三年奏準。外任將軍都統副都統等奉有硃批諭旨。未及恭繳之先。有緣事降革及病故者。於回旗之日。或本人或親屬呈明該旗都統等代為恭繳。如隱匿收存。察出治罪。○七年奏準。諸王貝勒貝子公等有行文該旗之事。該長史并辦理家務之人列名。用府屬叅領關防。送至該

旗。其有行文部院各衙門者。用府屬叅領關防。送至該旗。由該旗用印轉行。如長史等不鈐用叅領關防。仍用白文。及該旗將白文接受者。各罰俸一年。○又議準。旗員造報錢糧文冊。並不分晰明白。以致款項不符者。降一級調用。轉報官罰俸一年。都統將軍等罰俸六月。都統將軍等叅覈者。將造報轉報之人議處。若文冊內數目舛錯遺漏者。造報官罰俸一年。都統及轉報官各罰俸六月。繫都統將軍等自行造報有舛錯遺漏者。亦罰俸六月。至造報舛錯遺漏非關



錢糧之案者。造報官罰俸六月。轉報官罰俸三月。

一儀制原定。旗員僭用引馬及馬項繫纓者。罰俸六月。該管官知而不禁者。罰俸三月。○又定。鑾儀衛儀仗。如有遺失者。掌衛事內大臣。鑾儀使各罰俸三月。該旗冠軍使。雲麾使。治儀正。整儀尉各罰俸九月。損壞不呈請更換者。該管冠軍使以下各官。均罰俸一月。○又定。

陵寢儀仗等物有遺失者。該管官罰俸九月。損壞不呈請更換者。罰俸一月。○康熙四十二年覆準。旗

員於應用朝服之日不用。及違例錯用者。罰俸一月。○雍正二年覆準。旗員恭遇

陞殿慶典及迎接

詔書。有失誤不到者。罰俸六月。所司已接部寺等衙門知會。不即傳知者。亦罰俸六月。接

駕不到。及常朝不到者。罰俸一月。至朝賀齊集各官。有班行不正。跪立不齊者。罰俸一月。稽察官不舉報者。議處之例同。○八年議準。凡遇祭祀

壇

廟。應行陪祀各官。由部於前期數日。將八旗都統副都

統等繕名簽恭請

欽點八人稽察齋戒祀畢仍將陪祀各官開列奏聞若應陪祀各官無故不行齋戒或已開齋戒不至齊集處者罰俸一年該管大員不行察叅者罰俸六月若臨期後至不及陪祀者罰俸一月○又議準官員遇常朝之日託故不到者罰俸一月未朝詐稱已朝者罰俸一年捏供同朝之官罰俸兩月其已注病不在家他出者罰俸一年至無故出城過宿失誤朝期者革職如因掃墓醫病等事不及進城者罰俸一月○十三年奏

準旗員文武兼任者文職品級大用文職補服武職品級大用武職補服如品級相同用文職補服違者罰俸六月該管官知而不禁者罰俸三月補服與帽頂坐褥不相符者亦照此例議處○乾隆元年議準朝會齊集之日看守

午門

端門

闕門各官不將閒雜書役人等攔阻聽其肆行出入者察由何門出入將該管官罰俸一月至坐班行禮之際各官僕從令該旗所委驍騎校并



看守朝房之步軍尉。盡行逐出。如不行逐出。經稽察官叅奏。將該驍騎校步軍尉及僕從之主。各罰俸一月。○三年奏準。大朝大祭之日。及車駕出入。各官僕從肆行喧嘩爭競。衝突擁擠者。等交刑部杖一百。其主罰俸三月。常朝之日。有肆行喧嘩爭競。衝突擁擠者。交刑部杖六十。其主罰俸一月。至在內執事人。并大臣侍衛之僕從。犯者交各該管衙門治罪。○又議準。喪儀齊集之處。有失誤不到者。罰俸六月。所司已接承辦衙門知會。不即傳知者。亦罰俸六月。○七年奏

準。旗員有瘋疾者。令其親屬看管。疾愈之後。該管官仍留心試看一年。果已全愈。方準上朝。其大內監工及看守

紫禁城之處。永停差委。在外仍行差委。若疾愈未過一年。即令上朝。或仍差委

大內監工看守

紫禁城者。該管官罰俸九月。○又奏準。八旗婚喪等事所用器物。有違例僭越者。繫官罰俸一年。常人鞭五十。失察之佐領驍騎校。各罰俸六月。領催族長鞭三十。族長繫官亦罰俸六月。該管

叅領副叅領罰俸三月。該管大員及察旗各官不行察出者。均罰俸兩月。若有一處察出。均準免議。○又議準。八旗官兵服色。均有定制。如僭用五爪龍立龍圓補服之類者。繫官革職。兵及閒散。交刑部治罪。僭用之物入官。未經察出之佐領。驍騎校。每案罰俸三月。叅領副叅領。每二案罰俸三月。都統副都統。每三案罰俸三月。領催族長。鞭五十。若奴僕有犯。交刑部治罪。其主繫官罰俸三月。常人鞭五十。該管各官均免議。僭用尋常服色者。繫官罰俸一年。兵及閒散。鞭

五十。未經察出之佐領。驍騎校。每案罰俸一月。叅領副叅領。每二案罰俸一月。都統副都統。每三案罰俸一月。領催族長。鞭二十五。若奴僕有犯。鞭五十。其主繫官罰俸一月。常人鞭二十五。該管各官均免議。以上應議之族長繫官。照佐領例議處。○又奏準。在外將軍都統副都統以下。協領以上。見任來京者。若並無疾病事故。凡直祭祀耕藉之期。先期在附近地方齋宿。仍聲明齋宿之處。以憑稽察。屆期投遞職名。各按品級排班行禮。恭遇御殿受賀諸大禮。亦一例排班行禮。將軍都統列於



在京都統之次。副都統列於在京副都統之次。協領列於在京叅領之次。○十三年議準。旗員應陪祀者。於期前將職名造冊送部。其有故不能陪祀者。於各該員名下注明。祭祀之日。由部委官於齊集處察收職名。有不到者指名叅奏。若陪祀各官。於齊集之日。偶患疾病不能到者。將情由呈報稽察衙門。

一錢糧。原定八旗支領錢糧。該叅領佐領驍騎校等親赴戶部銀庫。與該管官公同秤兌。支領之後。佐領驍騎校親看散給。如支領時叅領佐

領驍騎校不親赴銀庫。各罰俸一年。佐領驍騎校不親看散給。致領催侵漁短少者。降一級調用。明知領催扣剋。不即呈報者。降三級調用。同扣剋者。革職交刑部治罪。○又定。旗員將正雜錢糧擅自那移別用者。革職。若因緊急軍需。未經報明該管官。私自那移應用者。降一級留任。俟銷算清完之日。開復。至存留公用錢糧。因公那移者免議。那移米豆草者。亦照此例分別議處。○又定。旗員有經管倉庫錢糧。及承追拖欠等項。若乾沒侵欺者。革職交刑部治罪。領催人等

乾沒侵欺者。交刑部治罪。該管官革職。如佐領  
驍騎校侵欺。該管之叅領副叅領不行察出者。  
降一級調用。都統將軍副都統罰俸一年。○又  
定。在京旗員。有降罰處分。奉

旨後。即行注冊。一面知照戶部及該旗。領俸時。該旗  
將該員降罰之處。聲明造冊送部。由外任升調  
京職者。若有隨帶降罰之案。本人呈報該旗。造  
冊送部。由部將各員原有降罰。並見在應照何  
品級食俸。逐一察明。轉送戶部覈給。其造冊送  
部之後。有奉

旨新用人員。無原俸可支者。及緣事開復。未經開闕  
者。春季在正月三十日以前。秋季在七月三十  
日以前。準造冊補領。過此限者。不準革職之人。  
即行裁扣。○又定。旗員應支俸銀俸米。春季於  
上年十二月十五日以前。秋季於六月十五日  
以前。造冊送部。兵丁應領錢糧。於上月十五日  
以前。馬駝應領銀錢。於上月十八日以前。造冊  
送部。若冊內數有舛錯。并總撤不符。由戶部即  
傳該旗承辦官改正。仍將冊領回。三日內鈐印  
送部。如三日內不行送部。及各項冊不依限造



送者將承辦官照遲延例議處其應領之米戶部移咨倉場限兩月內支放全完不完將監放之旗員察叅違限不及一月者罰俸三月一月以上者罰俸六月二月以上者罰俸一年如監放五年均限內清楚並無生事作弊者紀錄一次○又定八旗宗室覺羅及滿洲蒙古漢軍武職各官俸銀俸米兵丁錢糧馬駝銀錢由該旗依限造冊送部將增減數目察對轉咨戶部覈給俟歲終由部將一年內官兵支過銀數繕冊一本米數繕冊一本馬駝銀錢數繕冊一本恭

呈

御覽○康熙五十三年議準八旗有承追之銀千兩以下者於文到日限一年追完不完將佐領驍騎校罰俸一年叅領副叅領罰俸六月都統副都統罰俸三月再限一年不完佐領驍騎校降一級留任叅領副叅領罰俸一年都統副都統罰俸六月再限一年追完佐領驍騎校開復不完照所降之級調用叅領副叅領降一級留任都統副都統罰俸一年承追千兩至五千兩者以五年為期每案每年追完二分不及二分者

佐領。驍騎校。初叅降俸一級。二叅罰俸一年。三叅降一級。四叅再降一級。均留任。五年限滿。追完開復。不完。照所降之級調用。承追五千兩以上者。以十分爲率。勒限五年。佐領。驍騎校。初叅不完。降俸二級。二叅罰俸一年。三叅降一級。四叅再降一級。均留任。五年限滿。能完至七分者。準其開復。未完之銀。再行按年起限。不及七分。照所降之級調用。督催各官。千兩至五千以上者。每案勒限五年。按數督催。遞年完至二分者。免議。不及二分者。叅領。副叅領。初叅罰俸六月。

二叅罰俸九月。三叅罰俸一年。四叅降一級。留任。五年限滿。全完開復。不完。降二級。留任。都統。副都統。每案初叅罰俸三月。二叅罰俸六月。三叅罰俸九月。四叅罰俸一年。五年限滿。無完。降一級。留任。未完之銀。再行按年起限。追完開復。至接任承追督催各官。均以任事之日起。扣限追催。如本人實屬無力完帑。佐領。驍騎校。出結報明。叅領。轉報都統。副都統。奏請豁免。不得株連親族。倘濫行著落親族代賠。將承追官革職。若豁免後。本人見有隱瞞產業。悉行入官。將出



結之佐領。驍騎校革職。轉報之叅領。副叅領。降二級調用。奏請之都統等。罰俸一年。所欠之銀。著落出結之佐領。驍騎校。賠補。如該管都統。副都統。及叅領。副叅領。有逼勒出結之事。不行出首者。將出結并逼勒之官。皆革職。○又議準。佐領。驍騎校。有承追之銀。於一年限內。追完三百兩以上之案者。每案紀錄一次。千兩以上之案。五年限內。追完者。紀錄一次。叅領。副叅領。追完三百兩以上之案者。每三案紀錄一次。都統。副都統。追完三百兩以上之案者。每十案紀錄一

次。接任官以任事之日起。限於一年限內。追完千兩以上之案者。加一級。五千兩以上之案者。加二級。萬兩以上之案者。加三級。此等加級。遇別案承追。應降調者。準其抵銷。若於一年限內。追完萬五千兩以上之案者。以應升之官。即用。○又議準。八旗有冒領錢糧者。繫官革職。兵革退。均交刑部治罪。通同徇隱之佐領。驍騎校。革職。領催。鞭一百。革退。轉報之叅領。副叅領。罰俸一年。都統。副都統。罰俸六月。若佐領下人。冒領不行詳察之佐領。驍騎校。罰俸一年。叅領。副叅

領罰俸六月。都統副都統罰俸兩月。○雍正元年議準。八旗兵丁揭借私債。以應領銀米充爲利息。該管佐領。驍騎校。知情者革職。叅領。副叅領。罰俸一年。領催鞭一百革退。失察者。驍騎校降一級留任。佐領。罰俸一年。叅領。副叅領。罰俸九月。領催鞭六十。○又議準。外任旗員借銀。以六七百兩爲千兩。出三四分利息者。該旗叅領。佐領。驍騎校等不得具保。如有濫行具保者。罰俸一年。○二年議準。

盛京旗人所種地畝。應交米。豆。草。以經管地界之

協領。城守尉爲督催官。佐領。防禦。驍騎校爲經徵官。徵糧一石作銀一兩。如經徵千兩以下。一年內全完者。紀錄一次。千兩以上。三千兩以下。一年內全完者。紀錄二次。三千兩以上。一年內全完者。紀錄三次。督催五千兩以下。一年內全完者。紀錄一次。五千兩以上。萬兩以下。一年內全完者。紀錄二次。萬兩以上。一年內全完者。紀錄三次。如有不完。各計分數叅處。經徵官欠一分者。罰俸六月。二分。罰俸一年。三分。降俸一級。四分。降俸二級。五分。降職一級。六分。降職二級。



七分降職三級。八分降職四級。均戴罪經徵完日開復。欠九分十分者革職。督催官欠一分者罰俸三月。二分罰俸六月。三分罰俸一年。四分降俸一級。五分降俸二級。六分降職一級。七分降職二級。八分降職三級。九分降職四級。均戴罪督催完日開復。欠十分者革職。○又議準。旗員支放錢糧。如有預給重支。或違例給發者。將經管官降一級調用。轉詳官罰俸一年。都統。將軍。副都統。罰俸六月。其預給之項。照數扣抵。至重支及違例給發者。於經管官名下追賠。○又

議準。

盛京。寧古塔。黑龍江等處。經管倉廩各官。於滲漏處不行粘補。應蓋造者。不詳請蓋造。以致米糧霉爛者。革職。動帑代買。限一年照數追賠。不完。照損壞倉庫律治罪。如侵盜入已。詐稱霉爛。虧欠者。照侵蝕例治罪。○四年議準。內外旗員。將在官錢糧私自借用。或轉借與人者。革職。交刑部治罪。該管上司失察者。降一級調用。都統。將軍。副都統。罰俸一年。若該管上司明知私用借用。徇隱不揭報者。降二級調用。已經揭報。都統。

將軍副都統不察叅者降二級調用。揭報之該管上司免議。○五年議準。佐領。驍騎校。領催等。有在本佐領。及兄弟佐領下。私放印子轉子銀錢。坐扣兵餉。并夥同私放者。佐領。驍騎校。革職。領催。革退。均交刑部治罪。該叅領。副叅領。失察者。降一級留任。如佐領。驍騎校。雖未出本私放。明知該管下有借放印子轉子之人。不即首報。轉與屬下兵丁作保者。革職。領催。鞭一百。革退。該叅領。副叅領。罰俸一年。至佐領。叅領。驍騎校等。平時失察。致兵丁將錢糧扣還印子轉子者。

驍騎校降一級留任。佐領。罰俸一年。叅領。副叅領。罰俸九月。領催。鞭六十。○七年議準。八旗生息銀。原令營運。以備資給兵丁婚喪之用。該管大員。慎簡賢能官經營。如委用非人。以致本利短闕。將經營官照虧空錢糧例分別治罪。該管大員。照失察劣員例議處。短闕之銀。著落經營官。及該管大員分賠。○又議準。旗員有將生息銀。私自侵蝕。那移者。照侵那錢糧例議處。若藉稱官銀名色。占奪百姓行業。或重利短期。刻薄閭閻。並與商賈小民爭利者。將經營各官。照違



禁取利律治罪。該管上司照失察劣員例議處。  
○又議準。旗員有將生息銀借給兵丁。收取利  
息。以爲賞賚者。降四級調用。如兵丁假托商人  
之名領銀。不爲詳察。遽行借給者。降一級調用。  
失察之該管大員等。各罰俸一年。倘銀有虧缺。  
著落經管官。及該管大員等分賠。○又議準。生  
息銀。經管官於前後接任之時。造具舊管新收  
開除實存四柱清冊交代。○八年奏準。八旗經  
管米局官。將米多賣與商販鋪戶者。罰俸一年。  
○乾隆元年議準。凡交旗承追虧空職罰等項。

果屬無力完帑。奏請豁免。不得濶開借欠。希冀  
搪抵。如本人經管錢糧時。所屬有借支借領。并  
同官那用。出有印領者。準其開報。仍將出印領  
之人。照私借錢糧例議處。按數勒追。至其平日  
債負。或幫助親友。或同官私借。雖有文約。並無  
印領者。不準開報勒追。倘該佐領。驍騎校。因受  
囑徇私。聽其開報。妄等無辜勒追者。照故勘平  
人律治罪。得賄者。計贓以枉法從重論。叅領。副  
叅領。不據實察報者。降二級調用。若因規避議  
處。指引開報者。佐領。驍騎校。草職。叅領。副叅領。

失察者降一級留任。如任其朦朧開報。溷行勒追者。佐領、驍騎校降二級調用。叅領、副叅領罰俸一年。

一田宅。康熙四年題準。分給佐領下房屋地土。佐領、驍騎校隱占不給。或私賃取租者。革職。如驍騎校隱占。佐領失察。佐領隱占。驍騎校失察。將失察之員。罰俸一年。若佐領止買壯丁。捏稱并買房屋地土。造入冊內者。革職。○又題準。佐領、驍騎校捏開人名。多領官房官地。未入己者。降一級調用。入己及私賃或轉賣與人者。革職。

仍追租價。并房地交部。失察之叅領、副叅領。罰俸一年。都統、副都統。罰俸六月。如佐領下人多領。或冒領者。失察之佐領、驍騎校。罰俸一年。叅領、副叅領。罰俸六月。都統、副都統。罰俸兩月。○十五年題準。旗員將應納錢糧田地。私自隱匿一畝至九畝者。降四級調用。十畝以上。革職。一頃以上。革職杖一百折贖。永不叙用。隱匿田地入官。錢糧按年追納。如自行出首。不拘年限。免議。自出首之年。徵收錢糧。○又題準。旗員奉委丈量地畝。遲延限期。或將丈量之地畝。不明白。



詳報或不送文冊。檄催並不申覆。或令其監丈。互相推諉不行者。皆罰俸一年。○又題準。旗員擅買民地者。罰俸三月。○雍正二年議準。拖欠錢糧之人。已報入官田產。佐領。驍騎校。隱匿不報者。革職。侵蝕入己者。交刑部治罪。失察之叅領。副叅領。降一級調用。都統。副都統。罰俸六月。其令人居住耕種。不納租銀者。佐領。驍騎校。降一級調用。叅領。副叅領。罰俸一年。如應入官田產。本人未交。佐領。驍騎校。通同隱匿者。革職。侵蝕入己者。交刑部治罪。失察者。佐領。驍騎校。降

一級調用。叅領。副叅領。罰俸一年。都統。副都統。罰俸三月。○又議準。拖欠錢糧之人。將田產報官抵項。承辦之佐領。驍騎校。估價短少。或不候準賣部文。即賣者。罰俸一年。叅領。副叅領。罰俸六月。估價浮多。或開造數目不實者。佐領。驍騎校。降一級調用。叅領。副叅領。罰俸一年。都統。副都統。罰俸六月。其本人報官抵項。若將田產數目。開造不實者。繫官降一級調用。常人鞭八十。如本人照原典買之價。報官抵項。或有不敷。令承辦官確估呈報。本人免議。○又議準。官房倒

壞該管官不請修理者。罰俸六月。該管大員。罰俸三月。若因而損壞遺失官物者。仍令分賠。○九年奏準。八旗游牧察哈爾地畝。除經戶部理藩院定議。許令民人居住耕種者。仍照各案覆準事例遵行外。其未奉部院覆準。概不許私募民人耕種。容留居住。及越界多墾。違者。繫官降三級調用。常人鞭八十。該總管及該管官。察出報明該旗者。免議。若失察。將該管官降一級調用。總管。副管。罰俸一年。若通同徇隱。別經發覺。將該總管。副管。及該管官。皆降二級調用。

一戶籍。原定八旗編審壯丁。將應入冊之人。隱匿不入者。繫官罰俸三月。常人鞭二十五。失察之佐領。驍騎校。各罰俸一月。若佐領。驍騎校。將未成丁之幼童。溷入壯丁冊內者。罰俸三月。○又定。旗人將家僕私行開戶者。繫官罰俸一年。常人鞭五十。失察之佐領。驍騎校。各罰俸九月。如無家主之言。佐領受財私行開戶者。革職交刑部治罪。○又定。旗員將非其所屬。不應入丁冊之人。私入丁冊。或將撫養之子。冒入族中。人冊內者。罰俸九月。繫常人鞭四十。失察之佐領。



驍騎校。罰俸兩月。○又定。八旗有將族人已經開戶之義子。作已奴僕。或分與族人為奴僕者。繫官草職。常人鞭一百。失察之佐領。驍騎校。罰俸一年。若佐領。驍騎校。將所屬良家子。誣為奴僕之子者。降一級調用。○又定。旗員於承襲官爵時。承造家譜。故將有分親支子孫。不行造入者。降三級調用。若承造家譜。將同祖親屬姓名。疎忽遺漏者。罰俸三月。○又定。官員希冀承襲官爵。并承受家產。將伯叔親生之子。誣為奴僕之子者。草職。若於承襲時。將原立官之人嫡親

子孫。作為遠族者。降三級調用。○又定。八旗有將開戶之人。徇情朦溷保送為官者。降三級調用。擬補之該管大員。知情者。亦降三級調用。失察者。罰俸一年。○又定。官員欲承受家產。告尊長。審虛者。降三級調用。如將族人生前撫養為子。已經承受家產。復行爭控者。罰俸一年。○康熙十一年議準。旗員將所雇民人。轉行鬻賣者。草職。若誣為已之奴僕。具告。或將未投充民人。誣為投充。具告者。均罰俸一年。○又議準。旗員出差。將家下食餉之兵。及應當差之人。不呈明

該管官擅作隨役。或擅自差遣者。罰俸六月。○  
又題準。滿洲蒙古家人。賣與漢軍及民。漢軍家  
人。賣與民者。買者賣者。繫官罰俸一年。旗人鞭  
一百。民責四十板。佐領驍騎校。內管領。知情者。  
各罰俸九月。領催鞭八十。所買之人。并賣價均  
入官。至滿洲蒙古漢軍家人。有不應放出。為民  
其主私行放出。及私令贖身者。亦照此例議處。  
其喀爾喀厄魯特之人。不許賣與漢軍及民。違  
者。繫官降一級調用。旗人鞭一百。民責四十板。  
所買之人入官。○四十一年議準。賣身旗下之

人。原有房產。守分度日。於地方民人。並無擾累  
者。許令原處居住。原無房產者。均令伊主收回。  
若倚仗賣身旗下。恣意橫行。把持武斷。賭博姦  
淫。窩盜勾逃。許訟作證。擾累民人者。地方官據  
實詳報。拏送刑部治罪。不許仍在原處居住。若  
容留此等之人。仍居住原處者。其主繫官降一  
級留任。常人鞭一百。○雍正三年議準。八旗佐  
領下。同族人內。設立族長。約束一族之人。其獨  
戶小族。酌量兼管。該都統等於男。輕車都尉。  
騎都尉。雲騎尉。及舉貢生監。護軍。領催內。簡選



補用。若族長果能盡心教導。三年無過。由該旗咨部。繫官給以紀錄一次。執照舉貢以下。造印冊二本。一送部備案。俟其得官。紀錄一次。一本存旗備案。或未得官以前。遇族長內例應議處。或別遇罰俸之案。該旗將本人從前應得紀錄之處。一并咨部。準其以紀錄一次。抵銷罰俸六月。○五年議準。各省駐防官兵丁冊。由該都統將軍等。於比丁之年。察明造具二本。鈐印咨送戶部。有隱匿不入冊者。照在京隱匿壯丁例議處。若將所生之子。假捏過繼。潛居別處者。草

職。該管官失察者。罰俸一年。如在半年以內察報者。免議。知情不察報者。降一級留任。○六年議準。駐防各官。不得買民人爲奴僕。違者降二級調用。若縱令家人私買。及屬託兵丁代買者。亦降二級調用。該管官不揭報者。降一級留任。都統將軍等不察叅者。罰俸一年。至駐防兵丁。實在並無家人者。具呈該管官。確察屬實。出具保結許買。不得過二名。仍令賣身之人。親至地方官處。取具親供存案。立契書。情願賣身字樣。鈐印爲據。如有勒買者。將該兵丁枷一月。鞭一

百。若見有家人。捏稱無有。溷買者。鞭一百。失察之該管官。降一級。留任。都統。將軍等。罰俸一年。以上官兵私買民人。經該管官察出者。均免議。

○七年議準。別為冊籍之人。冒入滿洲正身冊內。及原繫民人。繼嗣。冒入旗籍者。繫官革職。常人鞭一百。扶同徇隱。具保之佐領。驍騎校。降三級。調用。領催鞭八十。叅領。副叅領。罰俸一年。都統。副都統。罰俸六月。如佐領。驍騎校。並不知情。朦溷具保者。降一級。調用。領催鞭六十。叅領。副叅領。罰俸六月。都統。副都統。罰俸三月。○八年奏

別載冊籍  
俟為  
下百

準。應行入官之人。隱匿不報。本主繫官。隱匿一人至三人者。降一級。六人降二級。九人降三級。十二人者。降四級。均調用。十五人以上。革職。隱匿之人入官。該佐領。驍騎校。知情。隱匿者同罪。失察者。隱匿三人以上。佐領。驍騎校。罰俸六月。叅領。副叅領。罰俸三月。十五人以上。佐領。驍騎校。罰俸一年。叅領。副叅領。罰俸六月。如佐領。驍騎校。隱匿。該叅領。副叅領。知情者。即照佐領。驍騎校。知情例議處。失察者。隱匿三人以上。叅領。副叅領。罰俸六月。十五人以上。叅領。副叅領。罰



百。若見有家人。捏稱無有。溷買者。鞭一百。失察之該管官。降一級留任。都統將軍等。罰俸一年。以上官兵私買民人。經該管官察出者。均免議。○七年議準。別為冊籍之人。冒入滿洲正身冊內。及原繫民人。繼嗣冒入旗籍者。繫官革職。常人鞭一百。扶同徇隱。具保之佐領。驍騎校。降三級調用。領催鞭八十。叅領。副叅領。罰俸一年。都統。副都統。罰俸六月。如佐領。驍騎校。並不知情。朦溷具保者。降一級調用。領催鞭六十。叅領。副叅領。罰俸六月。都統。副都統。罰俸三月。○八年奏

準。應行入官之人。隱匿不報。本主繫官。隱匿一人至三人者。降一級。六人。降二級。九人。降三級。十二人者。降四級。均調用。十五人以上。革職。隱匿之人入官。該佐領。驍騎校。知情隱匿者。同罪。失察者。隱匿三人以上。佐領。驍騎校。罰俸六月。叅領。副叅領。罰俸三月。十五人以上。佐領。驍騎校。罰俸一年。叅領。副叅領。罰俸六月。如佐領。驍騎校。隱匿。該叅領。副叅領。知情者。即照佐領。驍騎校。知情例議處。失察者。隱匿三人以上。叅領。副叅領。罰俸六月。十五人以上。叅領。副叅領。罰

俸一年。都統副都統免議。○又議準發遣口外黑龍江寧古塔等處爲奴人犯及撥給山海關以外叛逆人犯妻子奴僕有私行偷賣贖出者賣贖之人繫官革職常人枷兩月鞭一百該管官降二級調用其發往各省駐防爲奴人犯有私行偷賣贖出者亦照此例行。○又議準開戶奴僕冒入別載冊籍之內者除本人交刑部治罪外其朦溷造報之佐領驍騎校降一級調用領催鞭六十不行詳察之叅領副叅領罰俸一年都統副都統罰俸六月。

一限期原定八旗公中佐領員闕限二十日奏請補授世襲佐領員闕限三十日奏請補授若限內不能完結先簡選一人奏請署理世爵員闕限三十日奏請承襲叅領副叅領前鋒侍衛護軍校驍騎校及步軍統領所屬各官員闕均限二十日奏請補授駐防各官員闕及承襲世爵來京者以人文到日限二十日奏請補授以上內外各官如有行察調取及臨時患病服制等事不能依限完結者將緣由知會稽察衙門仍速行辦結注銷若無故遲延各按違限日期



議處○又定八旗易結之事○正限十日○餘限十日○叅領佐領會行察辦之事○十日限內不能完結者○將緣由呈明○扣限二十日完結者○餘限二十日○補授內外各官○正限二十日者○餘限二十日○正限三十日者○餘限十五日○各於限內完結○如有行察調取及臨期患病服制等事○不能依期完結者○將緣由知會稽察衙門○世爵員闕○統於歲底繕造家譜○奏請承襲○倘有爭告○應察辦者○限次年八月以前察明具奏○遇有患病服制等情○於病痊服滿之日引

見○不必更俟歲底○如懸闕至二年不奏請承襲者○將該管都統等及承辦官○分別議處○又定旗員承辦之事○於餘限之外不能完結○一日至十日者○罰俸一月○十日以上者○罰俸三月○二十日以上者○罰俸六月○三十日以上者○罰俸一年○若佐領下遲延○將佐領○驍騎校○照承辦官例議處○佐領○驍騎校○罰俸一月者○領催鞭一十○罰俸三月者○領催鞭三十○罰俸六月者○領催鞭四十○罰俸一年者○領催鞭五十○都統等於屬官遲延之事○自行叅奏者○免議○若經別衙門叅奏○如承辦官

罰俸一月者。都統等免議。罰俸三月者。都統罰俸一月。罰俸六月者。都統等罰俸三月。罰俸一年者。都統等罰俸六月。○又定。都統等參奏遲延。即於摺內。將承辦官職名開明。別衙門參奏者。由部察取職名。各照例議處。○又定。遠省駐防官。因亡故懸闕者。接任駐防之人。限兩月起行。因老病告辭懸闕者。接任駐防之人。限三月起身。其近京之直隸山東山西河南等處。接任駐防之人。均限一月起行。駐防兵亦照此限。官兵在途。每日限行六十里。如違限一月以上者。

欽定軍機處  
欽定軍機處  
欽定軍機處

官罰俸三月。兵鞭五十。兩月以上。官罰俸六月。兵鞭六十。三月以上。官降一級。調用。兵鞭七十。四月以上。官降二級。調用。兵鞭八十。五月以上。官降三級。調用。兵鞭九十。六月以上。官革職。兵鞭一百。不及一月者免議。若中途患病。及有阻滯難行情由。取有地方官印結。係部者免議。○康熙十七年議準。八旗外任文武官。因降革休致。或裁汰候補。例應歸旗者。本人及家口。該管官於五月內。催令起程。有驛大路。日行一站。無驛僻路。日行五十里。有水路者。聽由水路行。按



罰俸一月者。都統等免議。罰俸三月者。都統罰俸一月。罰俸六月者。都統等罰俸三月。罰俸一年者。都統等罰俸六月。○又定。都統等參奏遲延。即於摺內。將承辦官職名開明。別衙門參奏者。由部察取職名。各照例議處。○又定。遠省駐防官。因亡故懸闕者。接任駐防之人。限兩月起行。因老病告辭懸闕者。接任駐防之人。限三月起身。其近京之直隸。山東。山西。河南等處。接任駐防之人。均限一月起行。駐防兵亦照此限。官兵在途。每日限行六十里。如違限一月以上者。

官罰俸三月。兵鞭五十。兩月以上。官罰俸六月。兵鞭六十。三月以上。官降一級調用。兵鞭七十。四月以上。官降二級調用。兵鞭八十。五月以上。官降三級調用。兵鞭九十。六月以上。官革職。兵鞭一百。不及一月者免議。若中途患病。及有阻滯難行情由。取有地方官印結。係部者免議。○康熙十七年議準。八旗外任文武官。因降革休致。或裁汰候補。例應歸旗者。本人及家口。該管官於五月內催令起程。有驛大路。日行一站。無驛僻路。日行五十里。有水路者。聽由水路行。按

站按里計日到京。如無故不即起程。或潛居別處。或本人到京。而家口仍住別處。該管佐領。驍騎校。不能察報者。一人。降一級。二人。降二級。均留任。三人以上者。革職。領催。交刑部治罪。叅領。副叅領。於所屬有一二人未行察報者。罰俸一年。三四人者。降一級。五人以上者。降二級。十人以上者。降三級。均留任。都統等失於覺察。一人者。罰俸三月。三四人者。罰俸六月。五六人以上者。罰俸九月。七八人以上者。罰俸一年。十五人以上者。降一級。留任。○雍正七年議準。八旗會

議之事。該都統等如期齊集。按翼按品列坐。議定畫題。如越次不整者。罰俸一月。其在

內廷行走。不得到班者。承辦官將所定之稿。鈔錄送閱。於三日內畫題送回。有應改者。亦於三日內送回。如無故不即畫題。以致事有遲延者。照違限例議處。至因有事入奏未及到班者。於次日齊集補行畫題。若托故不到。罰俸一年。○又奏準。八旗承辦一應事務。每月二次造冊送察。旗御史注銷。如有違限及遺漏者。叅奏議處。若承辦官以未完作為已完。造冊注銷者。罰俸三



月○八年奉

旨。兩三衙門會議會審之事。若一處曾經行催。而他處尚不辦理。即著行催之衙門具摺奏聞。將來遲誤處分之時。免其議處。倘曾經行催而未奏聞者。日後因遲延議處。仍將該衙門一并交議。倘奏聞之後。以為既經具奏。此後遲延與已無涉。以致事務仍復耽閣者。仍將該衙門一并議處。○乾隆五年奏準。八旗察辦冊籍之事。原無定限者。於到旗之日。酌量事之繁簡。奏明定限。該管官依限察辦。如有遲延。照例議處。○又奏準。內外旗員。將本身遲延之

事。推諉他人者。除照違限日期議處外。因其推諉。再加罰俸一年。○又議準。八旗承辦官。如因限期已屆。將應結之事。溷行指駁者。罰俸六月。該管大員。罰俸三月。○又議準。旗員有以遷葬。修墳。扶柩等事。往

盛京游牧地方。及近京等處請假。并請假往外省者。二品以上有職任者。自行奏請。其餘各官。該都統出具保結咨部。按地方遠近。定限給假。給與路引前往。入於月終彙題。回日將路引繳銷。若逾限不及一月者。免議。一月以上者。罰俸一

月。二月以上。罰俸二月。三月以上。罰俸三月。四  
五月以上。罰俸六月。六七月以上。罰俸九月。八  
九月以上。罰俸一年。一年以上。降一級調用。年  
半以上。降二級調用。二年以上者。革職。如有患  
病阻滯等情。取具該都統。將軍。副都統。城守尉  
印文。或府州縣印結。本人帶回免議。其旗人有  
事請假往近京等處者。領催。驍騎人等。由該佐  
領報明。叅領給與關防牌票前往。仍將所往之  
地。并來去限期。呈明都統等備案。前鋒。護軍各  
項執事人等。由各該處行文該旗。由叅領察明。

給與關防牌票前往。閑散人等。由佐領知會叅  
領。給以圖記前往。至請假往外省者。該都統咨  
部。給與路引前往。其路引關防牌票圖記。回日  
即行繳銷。若遲延不繳。并逾限不回者。鞭五十。  
若不請假私往。及雖請假不往所指之處。別往  
他處者。繫官革職。前鋒。護軍。領催。驍騎各項執  
事人等。鞭一百。革退。閑散鞭一百。○十五年奏  
準。八旗承辦之事。限內不能完結。及奏補內外  
各官。有詢察調取等事。限內不能完結者。準將  
情由聲明。奏定限期。不必立餘限之名。致藉端



遲誤。

一監獄原定旗員看守監牢。因事耽延空班。或不交與接班之人。私自回家者。降一級。罰俸一年。○又定。旗員看守重犯監牢不嚴。聽任重犯與外人肆言者。革職。○又定。八旗有控告案內。應行質訊人犯。經承辦之部行文關提。若逾限不送。經部叅遲延。如人犯在京居住者。將該管官罰俸一年。領催鞭五十。屯莊居住者。將差往喚拘之人。及不協同拏解之屯領催。各鞭五十。如人犯別有事故者。準將情由報部。○又定。八

旗外任官。叅革解任歸旗之後。原任內有未清之案。經該督撫行文關提質訊者。該旗分別情罪。或應鎖解。或應散解。聲明交部。撥兵按程遞解。○又定。八旗將行兇不法奴僕。呈請送部發遣。該都統等確察屬實。即具咨送部。若無故留難。其主赴部呈告。審無誣捏者。將留難之該管官罰俸一年。○康熙六十一年議準。旗員解送人犯。全無約束。以致人犯辱官詐財生事不法者。革職。若該員隱匿不報。該管上司未經察出者。罰俸一年。該員已報。該管上司不為轉報者。

降二級調用。統轄之都統、將軍、副都統等據報不行察叅者，降一級調用。○又議準：旗員解送重犯及強盜，防範不嚴以致脫逃者，革職解送流徒等犯脫逃及看守之處脫逃者，降一級。住俸一半。解送入官之犯脫逃及看守之處脫逃者，住俸一半。以上各犯或本身拏獲或別處拏獲，均準開復。解送進京此等犯人中途脫逃及看守之處脫逃者，皆照此例議處。至看守此等犯人之官，若得財釋放者，革職治罪。犯人自盡無抑勒拷逼情弊者，罰俸一年。○又議準：兵丁

解送犯人若僉差不慎致與犯人同逃者，該管官罰俸一年。○又議準：旗員將應解人犯錯解別處者，罰俸六月。

一命案原定八旗兵丁並無私讐別故因公事教訓將該管官殺死者，該佐領、驍騎校罰俸二年。叅領、副叅領罰俸一年。都統、副都統罰俸六月。族長、領催鞭一百。有因私讐殺死或因公挾忿持刃致傷該管官者，該佐領、驍騎校罰俸一年。叅領、副叅領罰俸六月。都統、副都統罰俸三月。族長、領催鞭八十。如繫前鋒、護軍、步軍有犯



將前鋒統領。護軍統領。步軍統領。翼尉。照都統。副都統例議處。前鋒叅領。侍衛。護軍叅領。副叅領。步軍協尉。副尉。照叅領例議處。前鋒校。護軍校。步軍尉。同佐領。驍騎校一例議處。族長。領催。各分別鞭責。其本旗都統。叅領等。均免議。閑散人。因公挾忿。持刃致傷該管官者。該佐領。驍騎校。罰俸六月。叅領。副叅領。罰俸三月。都統。副都統。罰俸一月。族長。領催。鞭五十。殺死者。該佐領。驍騎校。罰俸一年。叅領。副叅領。罰俸六月。都統。副都統。罰俸三月。族長。領催。鞭八十。凡族長。繫

官。均照驍騎校例。罰俸。外省駐防兵丁。及閑散人。有犯殺死。及致傷該管官者。該將軍。都統。副都統。照在京都。都統例議處。協領。叅領。總管。城守尉。防守尉。照在京。叅領例議處。佐領。防禦。驍騎校。照在京。佐領例議處。○又定。八旗。滿洲。官兵。及閑散人。互毆致死。將該佐領。驍騎校。罰俸一年。叅領。副叅領。罰俸六月。都統。副都統。罰俸三月。領催。族長。鞭八十。如繫前鋒。護軍。步軍。有犯。將前鋒。統領。護軍。統領。步軍。統領。翼尉。罰俸三月。前鋒。叅領。侍衛。護軍。叅領。副叅領。步軍。協尉。

副尉。罰俸六月。佐領。前鋒校。護軍校。步軍尉。驍騎校。罰俸一年。領催。族長。鞭八十。其本旗都統。叅領等。均免議。族長。繫官。照驍騎校例。罰俸。若奴僕。毆人致死。其主。鞭八十。繫官。照驍騎校例。罰俸。該管官。免議。至於內府。王公府屬。佐領。及內管領下。滿洲。與正戶人。互毆致死。該管大員。及該管官。亦照此例。議處。若因公差遣之處。互毆致死。將領去之。該管各官。照在京。該管大員。及該管例。議處。其屯莊。居住旗人。互毆致死。將屯領。催鞭八十。在京。該管各官。均免議。八旗。蒙

古。漢軍。及外省。駐防。均照此例。○又定。步軍尉。等所管地界內。有路死之人。該步軍尉。不開明。情由。具報刑部者。罰俸六月。○又定。旗員。因事。威逼人命。致死者。革職。若子弟。奴僕。與人鬪毆。該員。前往救護。角口。被人毆傷。毆官之人。懼罪。自盡者。將護救之官。罰俸一年。○又定。八旗。該管地方。有持刃傷人者。首孥之人。賞銀十五兩。其次。賞銀十兩。第三人。賞銀五兩。如但持刃。未致傷人者。不賞。○雍正二年。議準。旗員。將奴僕。責打身死。審非故殺者。罰俸二年。故殺者。降二



級調用。加級紀錄不準抵銷。持刀殺死者革職治罪。如家主占奪奴僕之妻。或圖姦不遂。毒毆致死。審有確據。及本主自認不諱者。革職治罪。若將奴僕打死。隱瞞不報部者。革職。私用夾棍。拶子拷逼奴僕者。罰俸六月。致死者革職。用刀背責打奴僕者。罰俸九月。故殺族人奴僕者。降三級調用。加級紀錄不準抵銷。毆殺者。降二級調用。均追人一口。給付死者之主。持刀殺死者。革職治罪。○又議準。八旗自盡命案。已經驗明。令其擡送。如有勒索攔阻者。該汛及城門直班

官兵。拏送刑部治罪。若知而不拏。將直班官罰俸一年。兵鞭五十。○又議準。西四旗游牧察哈爾總管所屬蒙古。有關命案議處者。均照八旗官兵及閑散人互毆死例。將專管之佐領。驍騎校。照八旗佐領。驍騎校議處。兼轄之叅領。照八旗叅領例議處。總管副管。照八旗都統副都統例議處。太僕寺牧場等官。有關命案議處者。將專管之協領。兼轄之翼長。統轄之總管。照此例分別議處。○十三年議準。奉天各城旗民。有犯命案者。各該管官。訪知確實。一面行文關會。一

面差役持票徑行拘拏。如管民官行文關會。該旗員有心牽制。不即增差協拏。致兇犯遠逸。降二級調用。屯領催不協力擒拏。以致脫逃者。鞭八十。如受財故縱。交

盛京刑部治罪。其旗員該管地方有殺死人命。失於覺察。不行申報者。該管官降一級留任。該管上司免議。如知情隱匿不申報者。經營民官詳揭。將該管官革職。城守尉隱匿不揭報者。降三級調用。該將軍副都統不察叅者。罰俸一年。若城守尉並不知情。止於失察。同城者。降一級留

任。不同城在百里以內者。罰俸一年。百里以外者。罰俸九月。該將軍於題叅時。將或繫知情。或繫失於覺察。及道里遠近。於疏內詳細聲明。以憑覈議。如該管官於命案。先因不知未報。後即察出通報。將本案審明者。不論年月遠近。均免議。○又議準奉天命案。遇有例應議處。議叙者。城守尉照督緝例。與奉天理事通判。錦州府知府。一例定議。佐領防禦等官。照承緝例。與州縣一例定議。驍騎校與吏目典史等官。一例定議。○乾隆七年覆準。東四旗游牧察哈爾總管所



屬蒙古。遇有命案。照西四旗例分別議處。  
一盜案。康熙十七年議準。八旗前鋒護軍驍騎  
及執事人等。行劫被獲。或被人出首。經刑部審  
實。將該管佐領驍騎校領催議處。每佐領下有  
一二人者。佐領罰俸一月。驍騎校罰俸兩月。領  
催鞭五十。三四人者。佐領罰俸兩月。驍騎校罰  
俸三月。領催鞭七十。五、六人者。佐領罰俸六月。  
驍騎校罰俸一年。領催鞭八十。七人至十人者。  
佐領罰俸一年。驍騎校降一級。罰俸一年。領催  
鞭一百。十人以上者。佐領降一級。罰俸一年。驍

騎校革職。領催鞭一百。二十人以上者。佐領革  
職。驍騎校革職。鞭一百。折贖。領催鞭一百。革退。  
如前鋒護軍匠役人等。於該班當差日為盜。將  
前鋒校護軍校。有頂帶司匠。均照驍騎校例議  
處。無頂帶司匠。照領催例議處。其本佐領驍騎  
校。領催免議。如平時在家為盜。將本佐領驍騎  
校。領催照例處分。前鋒校護軍校。司匠均免議。  
在京閑散。及墳園住居之正身為盜。一人至三  
人者。佐領罰俸一月。驍騎校罰俸兩月。領催鞭  
五十。四人至六人者。佐領罰俸兩月。驍騎校罰

俸三月。領催鞭七十。七人至十人者。佐領罰俸六月。驍騎校罰俸一年。領催鞭八十。十人以上者。佐領罰俸一年。驍騎校降一級。罰俸一年。領催鞭一百二十人以上者。佐領降一級。罰俸一年。驍騎校革職。領催鞭一百。革退。有窩盜之事發覺者。亦照此例議處。若佐領。驍騎校等奉差在外。所屬內有為盜窩盜者。將署事之佐領。驍騎校。領催。分別議處。其奉差之佐領。驍騎校等。均免議。至差遣在外之人。行劫被獲。將同差遣之該管官。照佐領。驍騎校例。分別議處。其內府

管領及王。貝勒。貝子。公。各府屬管領。管屯。領催。莊頭。八旗。滿洲。蒙古。漢軍。屯。領催等。所管之人。有為盜窩盜者。內府管領。照佐領例議處。內府副管領及王府管領。照驍騎校例議處。貝勒以下各府管領。管屯。領催。莊頭。八旗。屯。領催。均照領催例議處。該管官於事未發覺之先。自行察出。送部治罪者。免議。奴僕為盜窩盜。家主繫官。照兵役為盜之該管驍騎校例議處。常人。照兵役為盜之該管領催例議處。其該管之各官。均免議。若家主於事未發覺之先。自行察出。送部



治罪者亦免議。○又題準。京城內窰門掘壁踰牆行竊。其賊繫正身。將同居父兄議處。繫戶下人。將家主議處。初次行竊者。其同居父兄及家主均免議。二次者。同居父兄及家主繫官。罰俸一月。常人鞭四十。三次者。同居父兄及家主繫官。罰俸兩月。常人鞭五十。○又題準。外省駐防兵丁。有一二人為盜者。該管佐領。防禦。驍騎校。罰俸一年。協領。叅領。總管。城守尉。防守尉。罰俸九月。三四人者。佐領等降一級。留任。協領等罰俸一年。五六人者。佐領等降一級。罰俸一年。協

領等降一級。留任。七人至十人者。佐領等降二級。調用。協領等降一級。調用。十人以上者。佐領等革職。協領等降二級。調用。如閑散內有一二人為盜者。該管佐領。防禦。驍騎校。罰俸六月。協領。叅領。總管。城守尉。防守尉。罰俸三月。三四人者。佐領等罰俸一年。協領等罰俸九月。五六人者。佐領等降一級。留任。協領等罰俸一年。七人至十人者。佐領等降一級。調用。協領等降一級。留任。十人以上者。佐領等降二級。調用。協領等降一級。調用。其統轄之將軍。都統。副都統等。本

管兵丁。有一二三人為盜者。罰俸三月。四五六人者。罰俸六月。七人以上者。罰俸九月。十一人以上者。罰俸一年。十六人以上者。降一級留任。二十一人以上者。降二級留任。三十一人以上者。降三級調用。閑散為盜。一人至五人者。將軍等。罰俸三月。至十人者。罰俸六月。十五人者。罰俸九月。二十人者。罰俸一年。三十人者。降一級留任。三十一人以上者。降二級留任。若兵丁之奴僕。有一二人為盜者。家主鞭一百。三人以上者。加一月。鞭一百。該管之佐領防禦驍騎校。罰

俸六月。將軍都統副都統總管城守尉協領叅領防守尉各官。均免議。如將軍都統以下。駐防各官之奴僕為盜。一二人者。將家主罰俸一年。三四人者。降一級調用。五人以上者。降二級調用。十人以上者。革職。該管官均免議。如該管官及家主。於事未發覺之先。能自行察出治罪者。免議。兵丁閑散為盜。該管各官奉差在外者。免議。○二十五年題準。步軍尉於一年內。拏獲強盜五名者。紀錄一次。十名。紀錄二次。十五名。加一級。三十名。加二級。協尉副尉所管步軍尉



等於一年內。拏獲強盜十名者。紀錄一次。二十名。紀錄二次。三十名。加一級。翼尉所管一翼步軍尉等。於一年內。拏獲強盜二十名者。紀錄一次。四十名。紀錄二次。六十名。加一級。統領所管八旗步軍尉。及番役等。於一年內。拏獲強盜四十名者。紀錄一次。八十名。紀錄二次。百二十名。加一級。以上各官。拏獲之數多者。各照應得議叙計數遞加。步軍尉於一年內。拏獲竊賊。光棍六十名以上者。紀錄一次。百二十名以上。加一級。二百四十名以上。加二級。協尉副尉所管步

軍尉等。於一年內。拏獲竊賊。光棍百二十名以上者。紀錄一次。二百四十名以上。加一級。翼尉所管本翼步軍尉等。於一年內。拏獲竊賊。光棍二百四十名以上者。紀錄一次。四百八十名以上。加一級。統領所管八旗步軍尉。及番役等。於一年內。拏獲竊賊。光棍四百八十名以上者。紀錄一次。九百六十名以上。加一級。以上各官。拏獲之數多者。各照應得議叙計數遞加。如繫副尉。協尉。翼尉。拏獲者。準照步軍尉例議叙。至步軍尉。拏獲之數。雖不及紀錄。統領。翼尉。仍總計

議叙其孥獲各犯均由刑部定擬之後咨部議叙○三十一年議準外省駐防旗人有犯串結土豪放債盤利開賭詐騙準折子女強買市肆擅砍樹木闕市辱官者依律治罪如犯至枷三月鞭一百之罪者將該佐領防禦驍騎校降二級調用協領叅領城守尉防守尉降一級留任將軍都統等罰俸一年如協領以下驍騎校以上各官有本身自犯此等罪者均革職治罪該將軍都統等降一級留任佐領以下各官有犯者該管協領叅領城守尉防守尉降二級調用

將軍都統等罰俸一年若各官縱子爲惡有犯此等罪者降二級調用該管各官降一級留任將軍都統等罰俸一年至奴僕有犯此等罪者家主繫官照佐領例議處常人鞭一百該管各官均免議○又議準外省駐防城內強盜劫掠城池搶奪倉庫囚獄者將軍都統副都統各罰俸六月○三十七年議準京城內有盜賊白晝殺人搶奪財物該汛步軍尉等將盜賊當場全獲及一月之內全獲者免議一月內獲一半者步軍尉罰俸一年步軍副尉協尉罰俸六月盜



賊照案緝拏。一月內無獲者。步軍尉降二級調用。步軍副尉。協尉。降一級調用。所有加級紀錄。不準抵銷。步軍翼尉。罰俸一年。步軍統領。罰俸六月。該汛步軍各鞭一百。盜賊交接任官。照案緝拏。○又議準。

盛京所屬看墳及居住之人。有偷採人參者。將故縱之屯領。催枷一月。鞭一百。失察者。鞭一百。各旗佐領下人。有偷採人參者。將故縱之佐領。驍騎校。革職。領催革退。枷一月。鞭一百。失察者。佐領。驍騎校。罰俸一年。領催鞭一百。內府佐領下

有偷採人參者。將故縱及失察內府佐領。驍騎校。領催。均照旗人例。分別議處。故縱之無頂帶管領。枷一月。鞭一百。失察者。鞭八十。奴僕偷採人參。家主不知者。不坐。知而故縱者。繫官革職。常人鞭八十。知而詐稱不知者。繫官革職。常人鞭一百。其應採人參之人。必領票以為執照。若無票私自行走。或有票擅自越界。並不照票內定數。多帶人畜。該巡察官徇情故縱者。革職。領催革退。枷一月。鞭一百。兵鞭一百。若得財縱放及將人參隱匿入己者。交刑部治罪。因巡察人

參借端誣拏無辜之人者。官革職。兵枷二月。鞭一百。奪取財物者。官革職。交刑部治罪。兵枷三月。鞭一百。若被拏之人。以受誣捏。控審虛者。照誣告律治罪。至一應人等。有毀壞

盛京。鳳凰城等處邊界寨柵。私自出入。官兵不行緝捕。及通同受賄者。皆照巡察官兵之例治罪。○又議準。步軍領催。將拏獲盜賊。得財私放。該管步軍尉失察。其贓在十兩以下者。罰俸一年。十兩以上者。降一級留任。知情故縱者。革職。○四十二年議準。京城內盜賊傷人。劫去財物。將

該汛步軍副尉。協尉。各罰俸九月。步軍翼尉。罰俸六月。步軍統領。罰俸三月。盜賊照案緝拏。該汛直日步軍尉。降二級留任。罰俸一年。限一年。緝拏本汛看街領催。步軍及本汛看守柵欄步軍。各鞭一百。如一年內拏獲一半。步軍尉準其開復。一年限滿。獲不及半。無別案失事者。步軍尉降二級調用。領催步軍。均枷一月。鞭八十。限內無獲。又失事者。步軍尉降三級調用。領催步軍。枷四十日。鞭一百。草退未獲之犯。交接任官照案緝拏。驍騎堆撥相近處失事。該班官罰俸



一年。驍騎照步軍例鞭責。○又議準。惡徒肆行無忌。或借端挾詐。勒騙財物。公然搶奪。攪擾市肆。行克者。責成該汛步軍尉。并步軍翼尉。協尉副尉。隨時巡緝。有失察者。將步軍尉罰俸六月。步軍協尉副尉。罰俸二月。翼尉罰俸一月。領催步軍。鞭一百。倘明知不緝。率者。革職。如得財私縱。誑稱逃脫者。革職。并領催步軍。皆交刑部治罪。若領催步軍得財私縱。誑稱逃脫。該步軍尉並不知情者。照失察步軍犯贓例處分。○又議準。率獲惡徒。刑部審實。照光棍例治罪者。每佐

領下。一年內有一二人犯者。佐領罰俸一月。驍騎校罰俸二月。領催鞭五十。三四人犯者。佐領罰俸二月。驍騎校罰俸三月。領催鞭七十。五六人犯者。佐領罰俸六月。驍騎校罰俸九月。領催鞭八十。七人至十人犯者。佐領罰俸九月。驍騎校罰俸一年。領催鞭一百。有頂帶管領。並該管司匠。均照驍騎校例議處。屯領催照在京領催例治罪。奴僕為光棍者。家主繫官。照驍騎校例議處。常人照領催例治罪。該管官免議。如該管官及其主於事未發覺之先。自行察出送部治

罪者免議。至一應有犯光棍之人。若該管奉差在外者。免議。將署理之人議處。○雍正八年議準。地方有竊賊之案。該汛步軍尉等於事主呈報之日。即轉報步軍統領。勒限半年緝拏。限內獲賊免議。逾限不獲。將該汛步軍尉罰俸三月。步軍協尉。副尉。各罰俸二月。直日領催。步軍各鞭五十。被獲之賊。供由何柵欄行走者。將守柵欄步軍鞭一百。如別汛之官。於限內獲賊者。紀錄一次。○十二年議準。奉天各州縣及旗莊地方。均照直隸各省州縣之例。編立保甲。互相稽

察。如遇失事。同叅疎防。協領。城守尉。無論專管兼轄。照督緝例。與奉天府理事通判一例議處。佐領。防禦等。照承緝例。與州縣官一例議處。驍騎校。照吏目典史例議處。有因獲盜議叙者。亦照此例行。若奉天各處旗人。有犯盜案。經地方文職官訪知確實。行文關會拘緝。該管官有心牽制。不差人協拏。致盜脫逃者。降二級調用。失察者。罰俸一年。屯領催不協力緝拏者。鞭八十。若受財故縱。交

盛京刑部治罪。如同城地方文職官獲盜。同城之



旗員得免議處○又議準

興京。岫巖。鳳凰城。三處界內。如遇失事。將旗員覈  
叅。勒限緝拏。地方文職官。令其協緝。○又議準。  
船廠。白都訥。寧古塔等處。設番役緝拏盜賊。其  
管轄番役官。如能實心督率。於限內將一案盜  
賊全獲者。每案紀錄二次。逾限不獲。照州縣印  
捕官。初叅二叅三叅四叅之例議處。○又議準。  
西四旗遊牧察哈爾總管所屬蒙古。有爲盜者。  
照外省駐防兵丁及閒散人爲盜例。按其名數。  
將專管兼管統轄各官分別議處。其太僕寺牧

場官所部蒙古。有爲盜者。察叅到日。將專管之  
協領。兼轄之翼長。統轄之總管。照此例分別議  
處。○又議準。看守一應倉庫之官兵。拏獲竊賊  
者。每案官紀錄一次。兵於竊賊名下。追銀二兩  
給賞。○乾隆五年議準。捕盜步軍尉。每旗五人  
輪流直月。遇該旗地方有強竊之案。將捕盜步  
軍尉勒限承緝。不獲。照例議處。○又奏準。直月  
捕盜步軍尉。該旗地方遇有強盜之案。於事主  
呈報之日起。勒限半年緝拏。限內獲盜免議。不  
獲。降一級留任。罰俸六月。再限一年緝拏。一年

內獲半。準其開復。不及半者。照所降之級調用。捕盜步軍鞭八十。遇有竊賊之案。於事主呈報之日起。勒限半年緝拏。限內獲賊免議。不獲。罰俸三月。捕盜步軍鞭三十。○又覆準。京城內強竊各案。經直月捕盜步軍尉。於限內緝獲者。該汛步軍尉等準免議。若別管官緝獲者。直月捕盜步軍尉免議。其該汛步軍尉仍議處。○七年議準。京城內有強盜之案。該汛步軍尉隱諱不報。或以強報竊。以多報少。或賄囑事主。通同隱諱者。將步軍尉。草職。步軍副尉。協尉。翼尉。扶同

隱諱者。降三級調用。失察者。降二級調用。步軍統領知情。降一級留任。失察。罰俸一年。如盜已全獲。均免議。若事主未經呈報。及失事未有實據。別經發覺者。仍照承緝定議。免以諱盜議處。○又議準。京城內有竊賊之案。該汛步軍尉隱諱不報者。降一級留任。勒限半年緝拏。限內獲賊。準其開復。不獲。降一級調用。步軍副尉。協尉。扶同隱諱者。照步軍尉例議處。失察者。罰俸六月。勒限半年緝拏。限滿不獲。罰俸一年。竊賊照案緝拏。能察出呈報者。仍照承緝例定議。若事



主未經呈報該汛步軍尉免議仍於發覺日爲始將賊犯勒限半年緝拏不獲罰俸三月賊犯照案緝拏○又議準看守倉廩各官被賊竊米者罰俸三月看守之兵鞭三十○又議準漕糧運送到京有攔路戳袋及鑽穴踰牆進倉偷米之賊審繫食餉之人將該旗都統副都統罰俸三月參領罰俸六月佐領驍騎校罰俸一年領催鞭一百若間散人其父兄繫官罰俸一年常人鞭一百○七年覆準東四旗察哈爾總管所屬蒙

古遇有盜案照西四旗例分別議處○十四年議準旗人爲竊罪發遣以上者不能管束之該管官及家主均照旗人爲盜例議處

一捕逃順治十五年議準旗下奴僕逃走在京限五日二百里內限十日四百里內限十五日其主即據實具報投遞逃牌逾限內不投遞者繫官罰俸一年常人鞭二十若竟遺漏不行投遞及投回未經銷案又復逃走其主並不再行投遞逃牌者繫官降一級留任常人鞭七十奴僕未會逃走捏報逃走者繫官降一級調用常

人鞭八十。若將姓名月日錯開投遞者。繫官罰俸一年。常人鞭五十。至本主之逃牌已給領催。而領催遺漏不投遞者。領催鞭七十。○康熙七年題準。旗員窩隱逃人者。革職。繫常人交刑部治罪。○九年題準。旗員將良民冒認爲伊家奴僕逃走者。降一級。罰俸一年。○十年議準。旗下逃人。在駐防旗員所轄地方。居住在六月以內者。免議。如過六月不行察拏。窩家鄰右等亦不行出首。或被逃人之主控告。或被旁人出首者。將失察之該佐領。防禦。驍騎校。各降一級。留任。

過一年者。將失察之該佐領。防禦。驍騎校。每一人降二級。調用。若明知縱容居住者。革職。協領。叅領。於該管屬官。二年內有一員失察逃人者。罰俸一年。二員失察者。降一級。留任。三員失察者。降二級。調用。將軍。都統。副都統。於所管屬官。二年內有一員至四員失察逃人者。罰俸六月。五員以上者。降一級。留任。如於所轄地方。察拏逃人十五名者。將佐領。防禦。驍騎校。各加一級。三十名者。加二級。協領。叅領。於該管屬官。察拏逃人三十名者。加一級。六十名者。加二級。將軍。



都統副都統於所管屬官察拏逃人二百名者紀錄一次四百名者加一級於此數多者各照察拏之數遞加統以一年一叙若不足加級紀錄之數者又并一年議叙仍不足者將前一年之數截去止留一年之數於次年接算不準三年合算以上均令將軍都統副都統等於歲底造冊報部并報刑部察覈○又議準旗人逃走不許私自差拏或報部行提或在該地方官處首告拏解如私自差拏者繫官罰俸一月常人鞭一百失察地方官及窩家之罪無庸議若

私差家人往窩家取討衣物者亦照此例議處○十二年題準凡八旗各官有逃走者革職交刑部治罪若官逃走該管官捏作常人投遞逃牌者罰俸一年○又題準兵丁逃走該管佐領驍騎校不於限內投遞逃牌者罰俸一月若竟遺漏不行投遞及投回未經銷案又復脫逃該管官並不再行投遞逃牌者均降一級留任兵丁未曾逃走捏報逃走投遞逃牌者降一級調用若將姓名月日錯開投遞者罰俸一年○又議準八旗逃人已經投遞逃牌後忽謊稱不會

逃走者。罰俸六月。○四十一年議準。黑龍江寧古塔等處。將軍捕牲總管等。將發遣人犯。每月收領若干人。逃走若干人。未獲若干人。已獲若干人。造冊咨送刑部。至年底該將軍等。將總數開明具奏。刑部會部察對。若發遣人犯。有逃走一名者。其主繫官。罰俸三月。常人鞭五十。至二三名者。按數加罪。一年內逃至五名者。該佐領防禦。驍騎校。各罰俸一月。領催鞭五十。逃至十名者。協領。罰俸一月。佐領。防禦。驍騎校。各罰俸三月。領催鞭五十。逃至二十名者。將軍。副都統。三月。領催鞭五十。逃至三十名者。將軍。副都統。等。罰俸一月。協領。罰俸三月。佐領。防禦。驍騎校。各罰俸六月。領催鞭八十。逃至四十名者。將軍。副都統。等。罰俸三月。協領。罰俸六月。佐領。防禦。驍騎校。罰俸一年。領催鞭一百。逃至五十名以上者。將軍。副都統。等。罰俸六月。協領。罰俸一年。佐領。防禦。驍騎校。各降一級。罰俸一年。領催枷二十日。鞭一百。捕牲總管。照協領例議處。翼長。照佐領例議處。將軍。按統轄地方。逃人總數。議處。副都統。有專管地方者。照該管處。逃人數目。議處。至人犯逃走。其主在城內居住者。限即日

逃走者。罰俸六月。○四十一年議準。黑龍江寧古塔等處。將軍捕牲總管等。將發遣人犯。每月收領若干人。逃走若干人。未獲若干人。已獲若干人。造冊咨送刑部。至年底該將軍等。將總數開明具奏。刑部會部察對。若發遣人犯。有逃走一名者。其主繫官。罰俸三月。常人鞭五十。至二三名者。按數加罪。一年內逃至五名者。該佐領防禦。驍騎校。各罰俸一月。領催鞭五十。逃至十名者。協領。罰俸一月。佐領。防禦。驍騎校。各罰俸三月。領催鞭五十。逃至二十名者。將軍。副都統。三月。領催鞭五十。逃至三十名者。將軍。副都統。等。罰俸一月。協領。罰俸三月。佐領。防禦。驍騎校。各罰俸六月。領催鞭八十。逃至四十名者。將軍。副都統。等。罰俸三月。協領。罰俸六月。佐領。防禦。驍騎校。罰俸一年。領催鞭一百。逃至五十名以上者。將軍。副都統。等。罰俸六月。協領。罰俸一年。佐領。防禦。驍騎校。各降一級。罰俸一年。領催枷二十日。鞭一百。捕牲總管。照協領例議處。翼長。照佐領例議處。將軍。按統轄地方。逃人總數。議處。副都統。有專管地方者。照該管處。逃人數目。議處。至人犯逃走。其主在城內居住者。限即日



呈報離城百里以內者限次日呈報百里以外者限三日內呈報該管官隨差本佐領驍騎校帶兵協同逃人之主追緝如驍騎校公出即令記名領催帶兵追緝仍將逃走緣由呈明該上司報部察覈如本主已經呈報而該佐領等不即轉報遲至十日以內者佐領防禦驍騎校罰俸六月領催鞭四十十日以外者佐領防禦驍騎校罰俸一年領催鞭六十一月以上佐領防禦驍騎校降一級調用領催鞭八十兩月以上佐領防禦驍騎校革職領催鞭一百如家主逾

限遲延不報繫官照佐領例常人照領催例分別議處該管官免議若家主於限內呈報者免議其各省駐防旗下家人及發往當差為奴人等私自逃走者伊主及該管官均照此例行滿洲漢軍副都統按翼分設者按該翼逃走人數議處○又議準邊界管汛管渡官兵將貿易割草之人於去時登記數目回時按名覈對若人數短少即行文知會蒙古緝拏若並不稽察致發遣人犯濶入貿易割草人數內逃入蒙古地方者將管汛渡之官降一級調用兵鞭八十○

又議準。王公府屬之人。有犯命盜重罪逃走者。該衙門緝拏時。即行文知會該府屬協拏。如一年限滿不獲。該衙門題叅。將辦理府屬家務官。罰俸一年。該王公等交宗人府察議。未獲逃犯。仍令照案協同緝拏。○雍正元年議準。負罪潛逃之犯。容留之家。除確繫不知情者。照律免議外。知情容隱。笞杖罪犯者。繫官革職。徒流以上罪犯者。繫官革職治罪。不準折贖。常人交刑部治罪。該管官失於覺察。如所容隱之人犯笞杖罪者。將佐領。驍騎校。罰俸二月。領催。族長。鞭二

十五。犯流徒罪者。佐領。驍騎校。罰俸一年。領催。族長。鞭五十。叅領。副叅領。罰俸六月。死罪及重案要犯。佐領。驍騎校。降一級。罰俸一年。領催。族長。鞭六十。叅領。副叅領。罰俸一年。都統。副都統。罰俸六月。若所屬隱匿流罪以下人犯。該管官知情不首報者。降二級調用。領催。族長。鞭八十。死罪及重案要犯。該管官知情不首報者。革職。領催。族長。鞭一百。凡族長。繫官均照佐領例議處。外省駐防官兵。隱匿罪犯。該佐領。防禦。驍騎校。照在京佐領例。總管。城守尉。協領。防守尉。照



叅領例將軍副都統照都統例分別議處○六年議準在京奉

旨捕緝人犯并命案及關繫重案人犯脫逃城內者責成該汛步軍尉住俸限一年緝拏如於一月內拏獲者免議一年限滿不獲降一級調用若非經管應捕之官并各該管上司各官於一月內拏獲一名者紀錄二次一月以外拏獲一名者紀錄一次○乾隆五年議準廣東駐防旗員有所屬兵丁或閑散人及奴僕逃走者該旗訪知確實下落密移該地方文武官撥兵給票協

同緝拏如不移會地方官徑自差拏者罰俸一月如逃人已出廣東地方移會該省緝拏報部旗員不得越境差拏

一禁賭原定八旗閑散人有犯賭博及開場容留賭博者該管都統將軍副都統失察五次者罰俸一月該總管城守尉叅領副叅領協領失察三次者罰俸一月佐領防禦驍騎校每次罰俸一月族長繫官每次罰俸二月常人鞭二十五領催每次鞭五十○又定兵役人等差遣在外有犯賭博者將領去之該管官照佐領例議

處領催照佐領下領催例議處該旗各官均免  
議○又定內府王公府屬佐領下人有犯賭博  
者將該管領副管領府屬叅領驍騎校領催族  
長均照旗下叅領佐領驍騎校領催族長之例  
分別議處該旗各官免議○又定旗下奴僕有  
犯賭博家主繫官罰俸二月常人鞭二十五該  
管官免議在屯居住之人有犯將屯領催鞭五  
十在京該管官免議至奴僕在屯有犯其主在  
屯居住者照例議處在京居住者免議○雍正  
二年議準失察賭博應議各官若有因公他往

者免議該管之上司拏獲者亦免議○又議準  
在京旗下各官失察賭博如本旗拏獲準其免  
議若被別衙門拏獲者其失察之都統副都統  
叅領佐領等仍議處外省駐防各官失察賭博  
如本旗拏獲準其免議若被別衙門拏獲其失  
察之該管將軍副都統協領叅領佐領等仍議  
處○又議準旗人製造賭具該管官訪緝拏獲  
者佐領防禦驍騎校加一級若拏獲之賭具繫  
描畫紙牌經刑部減等擬罪者拏獲官紀錄二  
次該管上司於所屬一年內並無別案失察製



造賭具。舊藏賭具。販賣賭具。及失察賭博等事。於歲底彙冊報部。由部覈明。繫拏獲製造賭具之案。將叅領。副叅領。協領。城守尉。總管。各官。每案紀錄二次。都統。將軍。副都統。每案紀錄一次。繫拏獲描畫紙牌之案。經刑部減等擬罪者。叅領。副叅領。協領。城守尉。總管。各官。每案紀錄一次。都統。將軍。副都統。等無庸議叙。該管上司。於所屬一年內。但有一案失察者。將別案拏獲賭具一概不準議叙。如所屬有失察等案。該上司自行察出者。將察出之上司。按其拏獲起數議

叙。倘該上司因所屬拏獲賭具。希圖議叙。將別案失察。通同徇隱不報者。降二級調用。以上拏獲之賭具。造自別處者。將別處失察官議處。拏獲之官議叙。其造自本處之賭具。實繫新製。不過半年者。方準議叙。如繫遠年存留賭具。或雖新製而失察已過半年止。免失察處分。不準議叙。倘有遠年存留賭具。捏報見今製造。及製造已過半年而捏報在半年以內者。將應議叙加一級者。即降一級調用。應議叙紀錄二次者。即罰俸一年。應議叙紀錄一次者。即罰俸六月。其

各該上司中。有能將捏報情由察出。揭叅者。將捏報之官議處。仍察明本案。如上司例。應議叙。即將揭叅之上司議叙。如例不應議叙。因其察出揭叅。準免議處。此等拏獲賭具。議叙各官。均由承審衙門。聲明咨部定議。○六年議準。八旗凡有察拏賭博之責者。若明知不即察拏。代爲隱諱者。官降三級調用。兵鞭八十。若已獲受賄。縱放及借察拏名色。詐害平人。挾讐誣指者。官革職。兵革退。皆交刑部治罪。該管官不揭叅者。罰俸一年。○又議準。八旗賭博。委官專司察拏。

如未能察拏。別經發覺者。罰俸一年。○九年奏準。八旗內外官兵。及佐領下正身人等。有製造賭具者。將失察之佐領。防禦驍騎校。降二級調用。叅領。副叅領。協領。城守尉。總管。降二級留任。都統。將軍。副都統。罰俸一年。族長。繫官。降二級調用。常人。鞭七十。領催。鞭八十。至描畫紙牌。經刑部審明。將該犯減等擬罪者。失察之佐領。防禦驍騎校。各降一級調用。叅領。副叅領。協領。城守尉。總管。降一級留任。都統。將軍。副都統。罰俸九月。族長。繫官。降一級調用。常人。鞭六十。領催。



鞭七十以上內外各官失察製造賭具如本旗  
拏獲準其免議若別衙門拏獲者失察之該管  
各官仍議處○又奏準旗員失察製造賭具未  
及半年別經拏獲者準其免議若失察已過半  
年別經拏獲者仍議處○十一年議準八旗後  
任官拏獲製造賭具之人察明前任官如失察  
未及半年離任者免議失察已過半年者仍照  
例議處若將失察已過半年之前任官捏報未  
及半年改移月日代為掩飾者除將該員拏獲  
之案不準議叙外仍罰俸一年未經察出之該

管上司罰俸六月該管大員罰俸三月能察出  
者均免議至拏獲之後官到任半年以內因賭  
博發覺究出製造賭具或舊存牌板刷印不過  
半年即能拏獲者均準議叙其應議處議叙之  
各官該管大員察明到任離任日期於咨疏內  
聲明以憑定議○十二年覆準失察賭博各官  
於議處時將該員從前拏獲賭具議叙之加級  
紀錄悉行注銷如該員已經數任後有失察賭  
博之案將前任內拏獲賭具議叙之加級紀錄  
一并注銷其該管上司除因所屬別員拏獲議

叙之加級紀錄不必注銷外。如因失察賭博之屬官。從前拏獲賭具。同案議叙之加級紀錄。亦悉行注銷。若該員失察賭博時。該上司先已離任。或該員調任別省。其失察之處。已與原上司無涉。所有該上司從前因該員議叙之加級紀錄。免其注銷。至上司本身失察賭博。仍將從前所有自行拏獲賭具之加級紀錄。并因屬官拏獲賭具之加級紀錄。悉行注銷。其失察製造賭具。舊藏賭具。及販賣賭具。均照此例行。○又議準。凡開賭場。鬪鶴鷄。鬪雞。鬪蟋蟀者。照開場賭

博例治罪。其該管官亦照賭博例議處。○乾隆元年議準。旗人操演賭射。鴿子者。不必察禁外。倘有特開賭場抽頭。及容留不射箭。買局賣局之人。並大賭銀錢者。即行緝拏。交部照開場賭博律治罪。○三年奏準。旗員賭博。及開場容留賭博。并上司與屬官賭博者。皆革職治罪。凡稽察屬官賭博。將佐領。防禦。驍騎校等官。責之。叅領。副叅領。協領。城守尉。總管等官。責之。都統。將軍。副都統等。領。城守尉。總管等官。責之。都統。將軍。副都統等。如明知屬官賭博。不揭叅者。將專責之官降三



級調用。其有在該旗賭博失於覺察者。該佐領防禦驍騎校。每次罰俸六月。叅領副叅領協領。城守尉總管等。失察三次者。罰俸六月。都統將軍副都統。失察五次者。罰俸六月。如在該衙門及直班公所賭博。將該處失察之官降一級留任。本旗該管各官免議。若察出揭報者亦免議。

○又奏準。官員賭博。經刑部審實。繫旗員拏獲者。將首先拏獲之人。每次紀錄一次。如繫番役拏獲者。將步軍統領。每次紀錄一次。○又奏準。兵丁犯賭。將失察之該管佐領防禦驍騎校。每

一次罰俸三月。該管叅領副叅領協領城守尉。總管有失察三次者。罰俸三月。該管都統將軍副都統。有失察五次者。罰俸三月。○又奏準。兵丁犯賭。該族長繫官。每一次罰俸二月。常人鞭二十五。領催。每次鞭五十。○又奏準。兵丁在直班當差處賭博。將該處失察之官。照兵役犯賭例議處。本旗該管各官免議。若在別處賭博。本旗該管各官仍議處。○又奏準。旗下奴僕有犯製造賭具。及描畫紙牌等事。家主照佐領例議處。該管各官免議。若奴僕在屯莊居住。製造賭

具者將失察之屯領催照在京領催例議處。家主在屯居住者照例議處。在京居住者免議。至旗人在屯製造賭具亦將屯領催議處。在京該管官免議。○四年議準奉天等處地方並無綠旗武職其駐防旗員即有稽察地方之責如有賭博賭具等案將該將軍副都統等照提鎮例定議。協領叅領等照綠旗兼轄官例定議。佐領防禦驍騎校等照綠旗專汛官例定議。至在京步軍營各官各有分管地方如有賭博賭具等案將步軍統領翼尉照提鎮例定議。步軍協尉

副尉照綠旗兼轄官例定議。步軍尉照綠旗專汛官例定議。○又秦準內府及王公府屬之人有製造賭具及描畫紙牌者將該管領副管領及府屬叅領佐領驍騎校領催族長等照旗下叅佐領驍騎校領催族長之例分別議處。內務府總管王公府屬長史貝勒府司儀長照都統副都統之例議處。該旗各官免議。○五年議準旗員拏獲製造賭具繫首先訪緝者將該員并該上司議叙如繫文官及營官內首先訪緝該員繫協同拏獲者協拏之官紀錄一次即同任



旗員。此官首先訪緝。彼官協同拏獲。其協拏之官。亦紀錄一次。如繫拏獲。描畫紙牌之案。經刑部減等擬罪者。將協拏之官。每二案紀錄一次。至協拏之上司。無庸議叙。此等協拏緣由。協拏之官。申報該上司。轉報該管大員。察實於咨疏內聲明。準其議叙。若並未協拏。假捏協拏。希圖議叙者。降二級調用。扶同隱飾之。該上司降一級調用。若該上司並非有心扶同。但據詳轉報者。罰俸六月。該管大員未經察出。罰俸三月。如製造賭具之人。失於覺察。該管上司及該管大員。管大員議叙。

員。拏獲者。將屬官仍行議處。拏獲之上司及該管大員議叙。

一緝私。康熙二十四年議準。在京旗人有私鑄私燬。或攬和小錢行使者。事發照例治罪。該管官知情者。革職治罪。失察者。驍騎校降一級。罰俸一年。佐領降一級。留任。叅領罰俸二月。都統副都統。罰俸一月。領催鞭一百。若本旗之人在別旗地方有犯者。本旗該管各官。亦照此例議處。如旗人及民人在步軍營所管地方有犯者。該汛步軍尉。照驍騎校例。步軍協尉。照佐領例。

步軍翼尉統領照都統副都統例分別議處如  
奴僕有犯家主知情者照例治罪失察者繫官  
降二級留任常人鞭一百房主及鄰右知情者  
照例治罪失察者繫官降一級留任常人鞭一  
百若城外居住及看墳之奴僕有犯家主照此  
例議處看守房屋奴僕賃與他人有犯者奴僕  
照房主例治罪家主免議在屯莊處有犯屯領  
催照在京領催例議處家主及該管官均免議  
凡失察之該管官有能自拏獲者不論年月遠  
近準其免議繫本旗之官拏獲者同旗失察官

亦免議步軍統領衙門拏獲者該汛失察官免  
議內府番役拏獲者內府失察官免議若繫別  
衙門及別旗拏獲者其失察之該管官仍議處  
駐防旗人有犯驍騎校照在京驍騎校例佐領  
防禦照在京佐領例協領總管城守尉防守尉  
照在京叅領例都統將軍副都統照在京都統  
副都統例分別議處○又議準旗人販賣私鹽  
者照律治罪繫正身將該佐領驍騎校罰俸一  
月領催鞭五十繫內府所屬人將內管領副內  
管領罰俸一月領催鞭五十繫奴僕家主繫官



罰俸二月。常人鞭七十。若屯莊居住之旗人有犯將屯領催鞭五十。該管佐領驍騎校領催均免議。至因公差遣之人有犯將領去之該管官各罰俸二月。領催等鞭五十。有能自行拏獲者均免議。

一雜例原定。旗員鬪毆至折傷以上及屬官毆該管官者。皆革職治罪。若該管官擅毆屬官者。降三級調用。不相統屬之官彼此互相鬪毆者。革職。奴僕有犯毆辱官員者。除照律治罪外。家主繫官罰俸兩月。又定屬官惡言詈罵該管

官者。革職。至各官有事奉委稽察。雖向無統屬。若於稽察時詈罵稽察官者。降一級罰俸一年。稽察官於稽察處溷行詈罵者。罰俸二月。又定八旗有買良爲娼。或將家下婦女故縱爲娼者。娼婦入官。其主繫官革職。枷一月。鞭一百。不準折贖。常人枷三月。鞭一百。至家人將伊自置僕婦。故縱爲娼。亦枷三月。鞭一百。其主不知情者。繫官降一級留任。仍罰俸一年。常人鞭一百。知情者。繫官革職。枷一月。鞭一百。常人枷三月。鞭一百。族長繫官。罰俸一年。常人鞭一百。領催

鞭一百。驍騎校罰俸一年。佐領罰俸六月。叅領  
罰俸三月。都統副都統罰俸一月。城內交與步  
軍統領翼尉協尉副尉步軍尉察拏若不行察  
拏或被旁人拏獲步軍尉罰俸一年協尉副尉  
罰俸六月翼尉罰俸三月統領罰俸一月。又  
定旗人私往各處借端挾詐囑託營私擾累平  
民者繫官革職交刑部治罪常人交刑部治罪。  
佐領驍騎校知而令去者降二級調用失察者  
佐領罰俸三月驍騎校罰俸六月領催鞭八十。  
若奴僕以事差遣有犯此等者其主知情故縱

繫官革職常人鞭一百奴僕交刑部治罪至旗  
人私往各處取債探親者繫官革職常人鞭一  
百佐領驍騎校知而令去者罰俸一年失察者  
佐領罰俸一月驍騎校罰俸三月領催鞭五十。  
差遣奴僕前往取債探親者家主繫官罰俸一  
年常人鞭八十奴僕亦鞭八十其屯莊居住之  
人并奴僕私自出境有犯此等事者屯領催照  
在京領催例鞭責該佐領驍騎校在京領催及  
奴僕之主均免議。○又定城內旗人將誘來人  
口隱藏在家販賣本佐領驍騎校領催明知匿



而不首者。佐領驍騎校皆革職。領催枷一月。鞭一百。不知情失於覺察者。佐領罰俸一月。驍騎校罰俸三月。領催鞭五十。至旗下家人。將誘來人口隱藏在家販賣。伊主明知匿而不首者。繫官革職。常人枷一月。鞭一百。不知情失於覺察者。伊主繫官。罰俸三月。常人鞭五十。此內各該管之人。或拏獲。或出首。或犯人自投首者。該管各官。并伊主均免議。其城外園內居住家人。有犯此等者。將伊主亦照此例議處。在屯內住者。將屯領催照旗下領催治罪。○又定。八旗莊頭

家人在外倚勢害民。霸占平人子女。威逼人命。把持衙門。此等事發。繫內務府所轄。將該管官降一級留任。繫王公府屬所轄。將辦理家務官降一級留任。繫民公以下大小官員家人。將其主降一級留任。○又定。凡聚眾搶奪路行婦女。及以藥餅撲項邪術迷拐男婦子女。將失察之該汛步軍尉。罰俸一年。步軍協尉。副尉。罰俸六月。如八旗佐領下人。有犯此等者。將失察之該佐領。驍騎校。罰俸一年。領催鞭八十。內務府內管領佐領下人。有犯此等者。將失察之該內管

領副內管領佐領驍騎校罰俸一年領催鞭八十。○又定旗員拏獲人犯應送有司審理者不許越俎若繫應行審理之案擅用非刑或將婦人夾訊者不論致死未致死皆革職該管上司不據實察報者降二級調用該將軍副都統不題叅者降一級留任若將孕婦擅拶者降一級調用該管上司不據實察報者罰俸一年將軍副都統不題叅者罰俸六月其番役兵丁私用非刑害人該管官不能察究者革職。○又定旗員將步軍拏至家中禁打者審實革職禁打傷

損者革職交刑部治罪染病祭祀嫁娶燕會行走步軍故意勒指不放行者步軍鞭五十因被步軍勒指即行責打有傷者罰俸六月。○又定佐領非繫公事將佐領下男婦無故責打者罰俸一年挾讐責打者降一級罰俸一年如因需索不遂責打者革職嚇詐財物者革職治罪。○又定閒散人辱罵職官該員不送該管官懲治竟行責打損傷者罰俸三月。○又定王公等將旗分之人妄行擾累未經請

旨即行治罪者該都統等據實具奏若瞻徇隱匿不



具奏者降三級調用。○又定旗員將禁止處番僧私請至家治病令其過宿者革職。○又定旗員因公差遣帶去兵丁有患病事故私行留住不交彼處該管官先回者罰俸一月。○又定旗員誣告人罪審屬全虛照律分別加等如告二事以上輕事審實重事審虛或告一事誣輕爲重者皆反坐所刺之罪若告二事以上重事審實輕事審虛及數事罪本相等但一事告實者皆免罪。○又定旗員初次叩閤審虛者罰俸九月若已經叩

閤審虛復稱冤枉叩閤者降二級調用常人交刑部治罪若於原辭之外復捏造言語叩

閤審虛者除照例處分外繫官再降二級調用。○又定被告證佐旗員徧徇捏供誣人至死罪者革職流罪降三級調用徒罪降一級調用杖罪罰俸一年答罪罰俸六月。○又定駐防官貪酷殃民尅扣錢糧被人告發該將軍副都統不即審理者降一級罰俸一年其將軍統轄之城守尉等所屬各官有犯貪酷等款該城守尉等據告

即為審明。轉報將軍等察覈。無將軍統轄者。即為審明報部。若不即審理呈報。亦照此例議處。  
○又定。內外大小旗員有關該管大員簡選擬補時。有爭告者。將具告之人。并擬補之人。秉公衡量人材勞績。照例辦理。如人材勞績不及擬補之人。仍妄行爭告者。叅奏請

旨。交部確察。妄告屬實。繫官降二級調用。常人交刑部治罪。若擬補不當。經部審出。將該管大員降一級罰俸一年。○又定。內外旗員於引見時。不候

諭旨。即將所得功牌。瀆奏者。罰俸六月。○又定。世爵官身故。該佐領等具保實無應襲之人。將

勅書繳部。奏明注銷之後。原保之佐領等。復捏稱尚有應襲之人。妄行呈告者。革職。○又定。世爵官病故。已將族中兄弟兄弟之子。保送承襲後。故官之妻及族人。復將不應承襲之人。告請承襲者。鞭一百。婦人照例折贖。族人繫官降二級調用。若承襲世爵有舛錯等弊。將含糊出結官降一級。罰俸一年。○又定。凡應承襲之世爵。遺漏未經承襲者。承辦官罰俸一年。該管大員罰俸



六月○又定京城內外粘貼匿名揭帖該步軍  
尉等官不即察拏別經發覺將步軍尉罰俸一  
年協尉副尉罰俸六月翼尉罰俸三月統領罰  
俸一月○又定旗員將已嫁之女經部斷不准  
離異仍留在家不送回者罰俸二月若已斷離  
異不行領回復行雖送毆壻者罰俸一年○又  
定旗員家人犯贓其主不知情失於覺察者降  
一級調用○康熙二十三年議準旗員因事夤  
緣餽送禮物與者受者皆革職提問如餽送雖  
未收受並未出首後經發覺將不出首官罰俸

一年○三十八年議準旗員宿娼者革職姦家  
下有夫之婦者降一級罰俸一年姦軍民妻者  
革職強姦軍民妻及姦官員妻者革職治罪拏  
獲姦夫姦婦私放者罰俸一年得財者革職○  
又議準旗員將有夫之婦知而娶者革職不知  
者免議○雍正元年奉

旨旗員爲外吏者每爲該旗都統叅領各官所制自司  
道以至州縣於將選之時必勒索重賄方肯出結咨  
部及得官後復遣人往其任所或稱平日受恩勒令  
酬報或稱家有婚喪等事緩急求助或以舊日私事

要挾至五旗諸王府。不體下情。分外勒取。或縱管事人肆意貪求。種種勒索。不可枚舉。以致該員竭蹶。餽送不能潔己自好。凡虧空公帑。罹罪罷黜者。多由於此。嗣後如有仍蹈前轍。恣意需索等弊。許本官據實封章密詳督撫轉奏。督撫即據詳密奏。倘督撫瞻顧容隱。即許本官封章揭都察院轉為密奏。倘不為奏聞。即各御史亦得據揭密奏。務期通達下情。以除積弊。外任旗員。勿得隱忍畏懼。朕不治以干犯舉首之罪。○又議準。八旗賞給兵丁之物。該管官侵欺者。革職交刑部治罪。同官明知侵欺。於部問時不據

實直供者。降二級調用。若並不知侵欺。失於覺察者。罰俸六月。○十一年議準。旗員科斂所屬官兵財物入己。及餽送人者。皆革職計贓治罪。若因公朋扣財物不入己者。為首降一級調用。為從罰俸一年。至並非因公。或一時朋扣財物。並不入己。為首者罰俸一年。為從者罰俸九月。○乾隆六年奏準。在京八旗及外省駐防衙門。在官兵役指稱公事犯贓。該管官知情者。革職。失察贓至十兩以上者。降一級留任。不及十兩者。罰俸一年。





